

uerunt. Post huius regis obitum frater eius Cephus regnum cepit: regna-  
 uitq; annis sex & quinquaginta. Quidam non fratrem, sed filium regnum te-  
 nuisse asserunt, nomine Chabreum - quod similius uero uidetur: quonia qui  
 ei successit, imitatus superiorem regem, secundam pyramidem edificauit, stru-  
 ctura & arte priori similem, magnitudine imparē, utpote cuius singula in basi  
 latera stadium comprehendant. Pecunia omnis ad opus prioris impensa: ut  
 olera tantum herbasq; (is enim cibus opificum fuit) ad mille & sexcēta talen-  
 ta excessisse dicatur. Aliarum non extat sumptus. Illius aditus ab uno tantum  
 latere patet. Verum nullus ex ijs qui eas sibi pyramides in sepulchra con-  
 didere, rex in illis sepultus est. Nam partim nimij labores in operibus absump-  
 ti, partim crudelitas regum & insolentia ita populum compulere, ut eorū aut  
 dissiparent corpora, aut eijcerent ex monumentis. Qua ex re domesticis man-  
 darunt quidam, ut sua corpora in loco uili obscuroq; conderent, quō effuge-  
 rent scuitiam plebis. Hunc regem secutus est Micerinus, quem nonnulli  
 Cherinum uocāt, prioris pyramidis autoris filius. Hic tertiam ab se inceptam  
 minime perfecit, praeuentus morte. Erant singula latera in basi iugerum triū:  
 murus usq; ad quintum decimū cubitum, ex lapide nigro, Thebaico simili: re-  
 liqua pars ex eo lapide, quo & reliquae pyramides, est constructa. Opus sanē  
 tum magnitudine, tum artificio, tum uerō lapidum sumptu ceteris pyramidi-  
 bus inferius. Scriptum erat in latere ad Boream uerso nomen autoris, Miceri-  
 nus. Hic tradunt superiorum crudelitatem abominatum, uitam uixisse sum-  
 ma cum humanitate, & in subditos beneficentia, fecisseq; sedulo omnia qui-  
 bus beneuolentiam omnium sibi compararet. Pecuniam contempsit, praebēs  
 etiam munera ijs qui iuste recteq; iudicassent. Sunt & aliae tres pyramides,  
 quarum singula latera ad duo iugera protenduntur, uniuersum opus stru-  
 ctura praeter magnitudinem superioribus simili. Has dicunt à tribus regibus,  
 quos retulimus, suis uxoribus aedificatas: quae traduntur alia Aegypti opera  
 non solum mole aedificiorum atq; impensa exuperare, sed artificum excellen-  
 tia: magisq; affirmant admiranda esse architectorum ingenia, pecuniam, quam  
 regum sumptus. Hi enim proprijs animi dotibus, illi alienis pecunijs labori-  
 busq; tanta opera erexerunt. Verum de harum pyramidum auctoribus nil  
 certi neq; apud incolas, neq; apud scriptores constat. Quidam eos quos dixi-  
 mus reges, illas aedificasse, alij alios tradunt: prout maioris asserunt Arceum  
 extitisse conditorem, secundae Amasim, tertiae Masum, quam uolunt quidam  
 Rhodopis pellicis sepulchrum fuisse: & id nonnullorum principum qui eam  
 amassent, communi opera absolutum. Regnum deinceps sumpsit Boccho-  
 rus, corpore quidem robusto ac ualido, ingenio uerō superiores excedens re-  
 ges. Multis deinde exactis seculis regnauit Aegyptijs Sabaccus nomine, ge-  
 nere Aethiops, deorum cultu, liberalitateq; praeter ceteris regibus excellens. Ar-  
 gumentum uirtutis eius uel maximum sit integritas, utilisq; in seruandis legi-  
 bus animaduersio. Nam capite damnatos nequaq; mortis affecit poena, sed  
 opus facere uinctos compedibus per ciuitates coegit: quae res non paruo exti-  
 tit uectigali, plures enim ex eo seruitio pecunias contraxit, eorum opera mul-  
 tos aggeres construxit: fossas uarijs locis opportunas fecit. Ita & poenae acer-  
 bitatem leniuit, & inutilem poenae asperitatem in magnum commodum uer-  
 tit. Eius egregiam pietatem, & à principio uitae institutionem, facile quis ex  
 uisione somnij perspiciat. Visus est ei Deus qui Thebis colitur, in somno dice-  
 re, regnum suum in Aegyptios neq; felix neq; diuturnum fore, nisi sacerdoti-  
 bus Aegypti omnibus occisis, per media ipsorum cadauera cum suis trāsiret.  
 Hoc somnio sepius oblato, omnes undiq; sacerdotes conuocauit: narratisq;  
 quae per somnium acceperat, Nolle se, inquit, in Aegypto manentē, alicui per-  
 niciem struere: sed malle, purum, omniq; solutum scelerē, ab Aegypto abscē-  
 dere se, fatiis quae uitam reddere, quam impia caede inquinatum regno potiri,  
 Ita